

# Y Pwyllgor Diwylliant, y Gymraeg a Chwaraeon

(CWLS(2) 08-05 (p1))

Dyddiad y cyfarfod: 6 Gorffennaf 2005

Amser y cyfarfod: 9.30am - 11.45pm

Lleoliad y cyfarfod: Ystafell Bwyllgora 2, Cynulliad Cenedlaethol Cymru

## Cyflwyniad

1. Yn ôl Rheol Sefydlog 9.9, mae'n ofynnol i bwyllgorau pwnc gynnal blaenraglen waith dreiglol o 12 mis o leiaf, a chyflwyno eu rhaglen waith i'r Cyfarfod Llawn, ar ôl ymgynghori'n gyntaf â phwyllgorau pwnc eraill a Chabinet y Cynulliad.

## Materion

2. Mae'r rhaglen ddrafft gysylltiedig yn adlewyrchu'r drafodaeth yn y cyfarfod blaenorol ac mae'n ceisio sicrhau cydbwysedd rhwng datblygu polisi, ar y naill law, a chraffu ar waith y Gweinidog ar y llaw arall.

## Camau Gweithredu

3. Gwahoddir y Pwyllgor i drafod y rhaglen waith gysylltiedig a chytuno ynglyn â hi.

## MRCS

Mehfin 2005

# BLAENRAGLEN WAITH STRATEGOL DRAFFT Y PWYLLGOR DIWYLLIANT, Y GYMRAEG A CHWARAEON: 2005-06

Cyflwyniad

1. Mae'r papur hwn yn amlinellu blaenoriaethau strategol y Pwyllgor Diwylliant, y Gymraeg a Chwaraeon ar gyfer 2005-06.

### Cylch gwaith a chyfrifoldebau

2. Portffolio'r Gweinidog dros Ddiwylliant, y Gymraeg a Chwaraeon sy'n sail i gylch gwaith y Pwyllgor, ac mae'n cynnwys: y celfyddydau, amgueddfeydd, henebion a llyfrgelloedd, ieithoedd Cymru, y cyfryngau a darlledu, chwaraeon a hamdden a materion loteri. Mae'r portffolio hefyd yn cynnwys goruchwyllo naw Corff Cyhoeddus a Noddir gan y Cynulliad (CCNC) neu gyrff cyhoeddus sy'n cael cymorth grant.

3. Nodir cyfrifoldebau'r pwyllgorau pwnc yn Rheol Sefydlog 9, a dyma'r prif rai: datblygu polisi; craffu ar Weinidogion a chyrrff perthnasol; a chraffu ar ddeddfwriaeth.

### Nodau

4. Bydd y Pwyllgor yn datblygu ffordd strategol o weithio ac yn anelu at gael cydbwysedd rhwng craffu ar y Gweinidog a chyfrannu at ddatblygu polisi trwy adolygiadau polisi'r pwyllgor a thrwy graffu ar faterion allweddol.

### Blaenoriaethau

5. Dyma fydd y blaenoriaethau ar gyfer y cyfnod sydd i ddod:

*Datblygu polisi (RHS 9.7(i))* – bydd rhaglen y Pwyllgor yn cynnwys:

- cwblhau Adolygiad Polisi o Ddawns yng Nghymru yn ystod Tymor yr Hydref 2005.
  - adolygu'r polisi Celfyddydau yng Nghymru, o fis Hydref 2005 ymlaen
  - ystyried cynigion ar gyfer arddangos celfyddyd yng Nghymru
  - defnyddio manau agored ar gyfer celfyddydau cyhoeddus
  - materion yn ymwneud â dynodi adeiladau cyhoeddus
  - cynigion ar gyfer y Celfyddydau y tu allan i Gaerdydd gan gynnwys datblygiadau ym myd y theatr
  - cynigion ar bresenoldeb a chyfranogiad cynulleidfaoedd ym myd y celfyddydau
  - materion yn ymwneud â darlledu gan gynnwys radio digidol
  - materion yn ymwneud ag amgueddfeydd a llyfrgelloedd gan gynnwys rhaglen llyfrgelloedd ac amgueddfeydd lleol CYMAL
  - yr Eisteddfod Genedlaethol
  - y Loteri Genedlaethol
  - materion cysylltiedig â Nodyn Cyngor Technegol (Cymru) - Chwaraeon a Hamdden
- 
- Gweithgareddau awyr agored - datblygu

## Gweithgareddau awyr agored - datblygu

*Craffu ar y Gweinidog (RhS 9.7(ii))* - bydd y Gweinidog yn adrodd i'r Pwyllgor bob tair wythnos am ddatblygiadau cyfredol o fewn y portffolio. Bydd y Pwyllgor yn ystyried ymateb y Llywodraeth i'w adroddiadau ar adolygiadau polisi yn benodol.

*Craffu ar gyrff perthnasol (RHS 9.7 (iii))* – bydd y Pwyllgor yn craffu ar Gyrrff Cyhoeddus a Noddir gan y Cynulliad o fewn ei bortffolio, gan ystyried, yn ystod y cyfnod hwn, y newidiadau a gyhoeddodd y Llywodraeth yn ystod hydref 2004

*Craffu ar ddeddfwriaeth arfaethedig sy'n effeithio ar Gymru (RhS 9.8(i) a 22)* – bydd y Gweinidog yn darparu rhestrau o'r is-ddeddfwriaeth arfaethedig yn rheolaidd a bydd y Pwyllgor yn cael gwybod am ddeddfwriaeth sylfaenol berthnasol sydd ar y gweill. Bydd y Pwyllgor yn nodi'r is-ddeddfwriaeth lle y gellid effeithio ar y cynnwys. Yn ystod y cyfnod hwn, disgwylir i hyn gynnwys:

- Y Mesur Loteri
- Gorchymyn Cynlluniau Iaith Gymraeg (Cyrff Cyhoeddus) 2005
- Cynigion cychwynnol ar drosglwyddo swyddogaethau Bwrdd yr Iaith Gymraeg i Lywodraeth Cynulliad Cymru.
- Adolygu materion yn ymwneud â dynodi safleoedd Treftadaeth.
- Mesur y Gemau Olympaidd

Hefyd, bydd ystyried dogfennau i'r UE a adnewyd yn Senedd y DU yn eitem reolaidd ar agenda'r Pwyllgor.

*Eitemau eraill (RhS 9.8)* – bydd y Pwyllgor yn ystyried yr eitemau a ganlyn wrth iddynt godi:

- *cynigion ar gyfer cyllideb y Cynulliad (RhS 9.8(ii))* – bydd y Pwyllgor yn nodi ei flaenoriaethau cyllidebol yn nhymor yr haf ac yn rhoi sylwadau ar y gyllideb ddrafft yn nhymor yr hydref;
- *cwynion (RhS 9.8(iii) ac 21)* – bydd y Pwyllgor yn ystyried unrhyw gwynion sy'n cael eu cyfeirio ato dan Reol Sefydlog 21;
- *penodiadau cyhoeddus (RhS 9.8(iv) ac 20)* – bydd y ddau a enwebwyd gan y Pwyllgor ar gyfer penodiadau cyhoeddus yn cymryd rhan yn y broses benodi i gyrff cyhoeddus wrth i swyddi gwag godi;
- *materion eraill sy'n cael eu cyfeirio gan y Cynulliad (RhS 9.8 (v))* - bydd y Pwyllgor yn ystyried unrhyw faterion eraill y bydd y Cynulliad Cenedlaethol yn eu cyfeirio ato, ond fe hoffai ofyn i Aelodau ymgynghori â Chadeirydd y Pwyllgor cyn cyflwyno cynigion sy'n gwahodd y cyfarfod llawn i gyfeirio gwaith at y Pwyllgor.

## Cydweithio a Gweithgareddau Eraill

Lle y bo'n briodol bydd y Pwyllgor yn cydweithio â phwyllgorau pwnc eraill ar bynciau perthnasol.

Bydd y Pwyllgor hefyd yn cynnal cyfarfodydd ac ymweliadau y tu allan i'r Cynulliad er mwyn deall yn well y materion o fewn portffolio'r Pwyllgor a chael mwy o gyswllt â'r rhanddeiliaid a'r cyhoedd.

## Dyletswyddau Statudol y Cynulliad

8. Mae Deddf Llywodraeth Cymru 1998 yn gosod dyletswyddau penodol ar Gynulliad Cenedlaethol Cymru, a bydd y canlynol yn llywio gwaith y Pwyllgor:

- *Cyfle Cyfartal (a.48 ac a.120)* - bydd cyfarfodydd y Pwyllgor yn cael eu cynnal yn gyhoeddus ac weithiau y tu allan i adeilad y Cynulliad Cenedlaethol er mwyn rhoi mwy o gyfle i bobl ledled Cymru weld gwaith y Cynulliad yn mynd rhagddo. Bydd y Pwyllgor yn rhoi ystyriaeth i gyfle cyfartal ym mhob un o'r materion sydd yn ei bortffolio;
- *Datblygu Cynaliadwy (a.121)* - drwy gydol ei drafodaethau bydd y Pwyllgor yn canolbwyntio ar yr angen i gydbwyso twf economaidd a chymdeithasol â gwarchod yr amgylchedd, drwy ddatblygu cynaliadwy. Bydd yr argymhellion yn ei adolygiad polisi yn adlewyrchu'r egwyddor hon.

MRCS

Mehefin 2005